

文殊師利菩薩及諸仙所說吉凶時日善惡
宿曜經卷上

亦九

宋內供奉三藏沙門不空奉詔譯

弟子上都草澤楊景風修註

三藏以乾元二年翻出此本端州司馬史
瑤執受纂集不能品序使義繁猥恐學者
難用於是草澤弟子楊景風親承三藏指
揮使爲修註筆削已了繕寫奉行凡是門
人各持一本于時歲次玄枵時唐廣德之
二年也

序分定宿直品第一

天地初建寒暑之精化爲日月烏兔抗衡生
成萬物分宿設宮管標羣品日理陽位從星
宿順行取張翼軫角亢氐房心尾箕斗牛女
等一十三宿迄至虛宿之家恰當子地之中
分爲六宮也亦九但日月天子俱以五星臣佐而
日光焰猛物類相感以陽獸師子爲宮神也
月光清涼而物類相感以陰蟲巨蟹爲宮神
也又日性剛義月性柔惠義以濟下惠以及
臣而日月亦各以神宮均賜五星以速至遲

即辰星太白熒惑歲鎮排爲次第行度緩急於斯彰焉凡十二宮即七曜之躔次歷示禍福經緯災祥又諸宮各有神形以彰宮之象也又一宮配管列宿九足而一切庶類相感月廣五十由旬得繫命以求吉凶大體屬於日月日廣五十一由旬風精太白廣十由旬空精歲星廣九由旬月精辰宿廣八由旬火精熒惑廣七由旬日精土星廣六由旬星最小者廣一俱盧舍日宮下面玻瓈之寶火精之質也溫舒能照萬物月宮下面瑠璃之寶

清涼能照萬物日月諸曜衆生業置於空中乘風而止當須彌之半踰健陀羅之上運行於二十七宿十二宮焉宮宿之分今具說之更爲圖書耳

第一星四足張四足翼一足太陽位焉其神

亦九

如師子故名師子宮主加得財事若人生屬此宮者法合足精神富貴孝順合掌握軍旅之任也

第二翼三足軫四足角二足辰星位焉其神如女故名女宮主妻妾婦人之事若人生屬

此宮者法合難得心腹多男女足錢財高識
故合掌官房之任

第三角二足亢四足氐三足太白位焉其神
如秤故名稱宮主寶庫之事若人生屬此宮
者法合心直平正信敬多財合掌庫藏之任
第四氐一足房四足心四足熒惑位焉其神
如蝎故名蝎宮主多病剋禁分之事若人生
屬此宮者法合饒病薄相惡心事妬忌合掌
病患之任

第五尾四足箕四足斗一足歲星位焉其神

如弓故名號弓宮主喜慶得財之事若人生
屬此宮者法合多計策足心謀合掌將相之
任

第六斗三足女四足虛二足鎮星位焉其神
如摩竭故名摩竭宮主鬭諍之事若人生屬
此宮者法合心麤亦九五逆不敬妻三合掌刑殺之
任

右已上六位總屬太陽分已下六位總太陰
分

第七虛二足危四足室三足鎮星位焉其神

如餅故名餅宮主勝彊之事若人生屬此宮者法合好行忠信足學問富饒合掌學館之任

第八室一足壁四足奎四足歲星位焉其神如魚故名魚宮主加官受職之事若人生屬

此宮者法合作將相無失脫有學問富貴忠直合掌吏相之任

第九婁四足胃四足昴一足熒惑位焉其神如羊故名羊宮主有景行之事若人生屬此宮者法合多福德長壽又能忍辱合掌厨饌

之任

第十昴三足畢四足觜二足太白位焉其神如牛故名牛宮主四足畜牧之事若人生屬此宮者法合有福德足親友長壽得人貴敬合掌馬廐之任

第十一觜二足參四足井三足辰星位焉其神如夫妻故名姪宮主胎妊子孫之事若人生屬此宮者法合多妻妾得人愛敬合掌戶鑰之任

第十二井一足鬼四足柳四足太陰位焉其

神如蟹故名蟹官主官府口舌之事若人生
屬此官者法合惡性欺誑聰明而短命合掌
刑獄訟之任

上古白博又二月春分朔于時曜躔婁宿遵
齊景正月中氣和庶物漸榮一切增長梵天

歡喜命為歲元亦九
景風曰唐建寅為歲初天竺

正月二三四至于十二則天竺皆據白月十
五日為太陰所在宿為月故呼建卯為角月
建辰為辰月則但呼角心箕之月亦不論
若建辰及正二月也此東西二之異義學
者先宜曉之今又
一一詳釋如左也
角月景風曰唐之二月也
斗建卯位之辰也

永樂北藏

文殊所說宿曜經

星月	鬼月	嘴月	昂月	婁月	室月	女月	箕月	心月	氏月
也景風曰唐之十二月也 斗建丑位之辰也	也景風曰唐之十一月也 斗建子位之辰也	斗建亥位之辰也 景風曰唐之十月也	斗建戌位之辰也 景風曰唐之九月也	斗建酉位之辰也 景風曰唐之八月也	斗建申位之辰也 景風曰唐之七月也	斗建未位之辰也 景風曰唐之六月也	斗建午位之辰也 景風曰唐之五月也	斗建巳位之辰也 景風曰唐之四月也	斗建辰位之辰也 景風曰唐之三月也

翼月景風曰唐之正月也

斗建寅位之辰也
新演如左景風曰楚本初翻學官隱密唐
之迷惑不曉其中義非久習致功卒難行用
今請演舊為新取正月日列為立成之前更
為月建十二辰圖參之以宮名會之以宿次
然後則曉然可觀義理下
隱底當代高才知此意也

唐月建之圖

亦九

五

每十二月日數

正二三四五六七八九十十月
月月月月月月月月月月

一日

虛室奎胃畢參鬼星翼角心箕

二日

危壁婁昂觜井柳張軫亢房尾

三日

室奎胃畢參鬼星翼角心箕

四日

壁婁昂觜井柳張軫亢房尾斗

五日

奎胃畢參鬼星翼角心箕牛

六日

婁昂觜井柳張軫亢房尾斗女

七日

胃畢參鬼星翼角心箕牛虛

八日

昂觜井柳張軫亢房尾斗女危

九日

畢參鬼星翼角心箕牛虛室

十日

觜井柳張軫亢房尾斗女危壁

十一日

參鬼星翼角心箕牛虛室奎

十二日

井柳張軫亢房尾斗女危壁婁

十三日

鬼星翼角心箕牛虛室奎胃

十四日 柳張軫亢房尾斗女危壁婁昂
 十五日 星翼角氐心箕牛虛室奎胃畢
 十六日 張軫亢房尾斗女危壁婁昂
 十七日 翼角氐心箕牛虛室奎胃畢參
 十八日 軫亢房尾斗女危壁婁昂
 十九日 角氐心箕牛虛室奎胃畢參
 二十日 亢房尾斗女危壁婁昂
 二十一日 氐心箕牛虛室奎胃畢參
 二十二日 房尾斗女危壁婁昂
 二十三日 心箕牛虛室奎胃畢參

二十四日 尾斗女危壁婁昂
 二十五日 箕牛虛室奎胃畢參
 二十六日 斗女危壁婁昂
 二十七日 牛虛室奎胃畢參
 二十八日 女危壁婁昂
 二十九日 虛室奎胃畢參
 三十日 危壁婁昂
 仙人問言凡天道二十八宿有闊有狹四足均分則月行或在前後驗天與說差互不同宿直之宜如何定得菩薩曰凡月宿有三種

亦九

六

合法一者前合二者隨合三者並合知此三

則宿直可知也云何為前合奎婁胃昂畢紫

六宿為前合也云何為並合參井鬼柳星張

翼軫角亢氐房十二宿為並合云何為隨合

心尾箕斗牛女虛危室壁十宿為隨合凡宿

在月前月居宿後為前合月在宿前宿在月

後如犢隨母為隨合宿月並行為並合也

曰凡天象之法西為前東為後如月在宿東

宿在月西則是宿在月前月在宿後他皆倣此頌曰

六宿未到名前合 十二宿月左右合

九宿如犢隨從母 奎宿直應當知耳

序宿直所生品第二

昂圖昂六星形如剃刀火神也姓其尼裴若

食乳酪此宿直日宜火作煎煮計筭畜生合

和酥藥作牛羊坊舍種蒔入宅伐逆除暴剝

頭並吉若用裁衣亦九必被火燒此宿直生人法

合念善多男女勤學問有容儀性合慳嗔足

詞辯景風曰中國天文昂七星主胡兵西方

相符覽之宿也然合宗經文說星多不與中國

圖其星於脚下發讀之者高明則心無昧矣畢圖畢五宿形如車鉢閼鉢底神也姓瞿曇

食鹿肉此宿直日宜農桑種蒔修理田宅通
決溝渠修橋道作諸安久之事不宜放債及
出財納穀米若用裁衣女多饒事務此宿直
生人法合多財產足男女性聰明好布施有
心路省口語心意不翻動行步如牛王有容

儀

景風曰中國天文畢星
主邊兵西方之宿也

觜圖觜三星形如鹿頭月神也姓婆羅隨閤
食鹿肉此宿直日宜作舍屋及造旌纛牀帳
家具入新宅嫁娶沐浴裝束入壇祭星曜除
災害吉此日裁衣必被鼠咬此宿生人法合

有名聞景行美容貌心肚鎮淨愛服藥必得
力心口隱密舉動不輕躁為人好法用愛禮

儀

中國天文觜三星主
軍之士西方之宿也

參圖參一星形如額上點魯達羅神姓盧醯
底邪那食血此宿直日宜求財及穿地賣乳

酪煮酥壓油及諸剛猛之事若用裁衣終慎

鼠厄此宿生人法合猛惡梗戾嗜瞋好合口

舌毒害心硬臨事不怯

景風曰中國天文參
十星主將軍西方宿

井圖井二星形如屋椳日神也姓婆私瑟吒
食酥餅此宿直日宜惠施貧窮必獲大果凡

有所作必得成就又宜祭天宜嫁娶納財唯
不宜合藥食若用裁衣必相分離此宿生人
法合錢財或有或無情愛聲名作人利官縱
有官厄還得解脫受性饒病亦多男女高古
義有急難若論景行稍似純直

亦九

景風曰中國天文井八星

主天門南方之宿也

鬼圖鬼三星形如餅藥利訶馭撥底神也姓
謨闇邪那食蜜麩稻穀華及乳粥此宿直日
宜作百事名譽長壽若理王事及諸嚴飾之
相拜官昇位入壇受鎮學密法吉若用裁衣

有吉祥勝事此宿生人法合分相端正無邪
僻足心力合多聞有妻妾豐饒財寶能檢校
處分又親

景風曰中國天文鬼五
星主官僚南方之宿也

柳圖柳六星形如蛇神也姓曼陀羅邪食蟻
蛇肉此宿直日宜作剛猛斷決伐逆除惡攻

城破賊吞害天下若用裁衣後必遭失此宿

生人法合輒眠饒睡性靈梗戾嗜瞋不伏人

欺又好布施亦好解脫耽著情事難得心腹

景風曰中國天文柳八宿
主厨饌之仕南方之宿也

星圖星六星形如牆薄伽神也姓瞿必略邪

那食六十日稻此宿直日宜種蒔雜物不宜種五穀宜修宅舍祭祀先亡若用裁衣後必損失此宿生人法合愛諍競不能壓捺嗜瞋怒父母生存不能孝養死後方崇饗追念足奴婢畜乘資產有名聞善知識亦多惡知識

亦九

一生之間好祈禱神廟

景風曰中國天文星七星主衣服南方宿

張圖張二星形如杵婆藪神也姓瞿那律邪食乳粥此宿直日宜喜慶事求女婚娶修宅拜官作新衣受長密法學道承仙並吉若用裁衣必被官奪此宿生人法合足妻妾多男

女出語恹人意甚得人愛少資財智策亦不多業合得人財

景風曰中國天文張六星南方之宿也

翼圖翼二星形如趺利邪摩神也姓遏啞黎食粟蘇此宿直日所作皆吉宜田宅築牆穿塹修農業種蒔凡諸安久之事並吉若用裁衣後必更得此宿生人法合愛騎乘鞍馬駕馭車牛布施喫用觸處遊從為人穩口語受性愛音樂

景風曰中國天文翼二十二星主府縣事南方之宿也

軫圖軫五星形如毗婆恒利神也姓跋蹉邪那食乳粥此宿直日宜急速事遠行外國修

理衣裳學藝業婚娶開園圖並吉此宿生人
法合有諸寶物合遊歷州縣稟性嫉妬爲人
少病能立功德兼愛車乘景風曰中國天文
軫四星主車乘騎
南方之
宿也

角圖角二星形如長幢瑟室利神也姓僧伽

羅邪那此宿直日宜嚴飾造衣裳寶物錦繡
之事觀兵行軍祭祀天神賞賜將士並吉若
用裁衣終當逃亡此宿生人法合善經營饒
六畜所作事多合又手巧所作愜人情只合
有二男景風曰中國天文角二
星主天門東方之宿也

亢圖亢一星形如火珠風神也姓蘇那食大
麥飯菜豆酥此宿直日宜調象馬又宜教擊
鼓婚娶結交種蒔並吉若用裁衣後必得財
此宿生人法合統領頭首辯口詞能經營饒
財物淨潔裝束愛喫用造功德足心力益家

風景風曰中國天文亢
四星主東方之宿也

氐圖氐四星形如角因伽陀羅祇尼神也姓
遷怛利食烏麻雜華此宿直日宜種蒔五穀
果木酒不宜起動房舍車馬之事若用裁衣
多逢親識此宿生人法合有分相好供養天

佛心性解事受性良善承君王優寵富饒財

物利智足家口

景風曰中國天文四宿主侵害東方之宿也

房圖房四星形如帳布密多羅神也姓多羅

毗邪食酒肉此宿直日宜交婚姻喜慶吉祥

之事及受戒律入壇受灌頂修仙道昇位並

吉若用裁衣後必更裁此宿生人法合有威

德足男女饒錢財合快活紹本族榮家風

景風

曰中國天文房四星主天道東方之宿也

心圖心三星形如階因陀羅神也姓僧訖利

底耶那食粳米蔬乳此宿直日宜作王者所

須事兼宜嚴服昇位登壇拜官試畜乘案摩

理身修功德吉不宜出財及放債若用裁衣

必遭死亡盜賊此宿生人法合處族衆得愛

敬承事君王多蒙禮摧惡獎善運命耳

景風曰中

國天文心三星主明堂印政東方之宿也

亦九

尾圖尾二星形如師子頂毛你律神也姓迦

十一

底那食乳果華草此宿直日宜沐浴厭咒置

宅種樹合藥散阿伽陀藥并入壇並吉若用

裁衣必遭爛壞此宿生人法合足衣食多庫

藏性慳澁志惡戾諍競合得外財力性愛華

永樂北藏

文殊所說宿曜經

第一三〇册

藥

景風曰中國天文尾九星主後宮士東方宿也

箕圖箕四星形如牛步水神也姓婆邪尼食瞿阿紺苦味此宿直日宜穿地造舍開渠水種華藥修園圃醞酒醬吉若用裁衣後必得病此宿生人法合遊涉江山經營利潤為人耐辛苦立性好姪逸婦女饒病愛酒

景風曰中國天文箕四星主妬東方之宿耳

斗圖斗四星形如象步毗說神也姓毗邪羅那食蜜麴稻華此宿直日宜著新衣及安久之事置庫藏修理園林造車乘營田宅寺宇

作兵器並吉若用裁衣多得美味此宿生人

法合愛鞍馬歷山林愛祈禱祀結交賢良多

技能足錢財

景風曰中國天文斗六星主江湖北方之宿也

牛宿吉甚吉祥其宿三星形如牛頭風梵摩

神也姓奢拏邪那食乳粥香華藥此宿生人

法合福德所作不求

景風曰藥天竺牛宿為吉祥之宿每日常午時宜

事敬天以午時為吉祥之時也

年者牛宿吉祥文圖術是也今泥牛星又與中國亦別藥中國天文牛宿

女圖女三星形如梨格毗數幻神也姓目揭

連邪那食新生酥及鳥此宿直日宜為公事

置城邑立卿相發兵造戰具并學技能穿耳
理髮案摩並吉不宜初著新衣或因之致死
又不宜諍競若用裁衣必足病此宿生人法
合足心力少病好布施守法律勤道業榮祖
宗

景風曰中國天文女四
星主施府土北方之宿

十二

虛圖虛四星形如訶梨勒婆娑神也姓婆私
迦邪食於大豆喻沙和上云水乳煮如狀爲
喻沙相也此宿直日宜建急事學問及沐浴
乞子法供養婆羅門置城邑管兵馬及初著
新衣嚴飾冠帶並吉若用裁衣多得糧田此

宿生人法合足穀多貯積長命富勝蒙君王
寵愛又好饗禱神廟終多快樂不合辛苦

曰中國天文虛二星主
宰相位北方之宿也

危圖危一星形如華穩婆魯拏神也姓丹荼
邪食羶羊肉此宿直日宜合藥避病穿池種

麻商人出行納財造船醞酒並吉若用裁衣
必遭毒厄此宿生人法合嗜酒耽姪耐辛苦
心膽硬與人結交必不久長無終始又能處
分事務解藥性多瞋

景風曰中國天文危
三星北方之宿也

室圖室二星形如車轆阿醯多陀難神也姓

聞邪食一切肉此宿直日宜爲剛猛事勘逐
罪人捕姦捉非若爲言事不宜若用裁衣必
遭水厄此宿生人法合決猛惡姓嗜瞋愛劫
奪能夜行不怕處性輕躁毒害無慈悲

景風
日中

國天文室二星主
宗廟北方之宿也

亦九

十三

壁圖壁二星形如立竿陀羅神也姓瞿摩
多羅食大麥飯酥乳此宿直日宜造城邑婚
娶永久長壽增益吉慶不宜南行若用裁衣
多得財物此宿生人法合承君王恩寵爲性
慎密慳澁有男女愛供養天佛亦好布施不

多愛習典教

景風曰中國天文壁二星
主圖書祕法北方之宿也

奎圖奎三十二星形如小艇通涉神也姓曼

茶鼻邪食肉及飲此宿直日宜造倉庫及牛

馬坊校算畜牧醞酒鎔糟冠帶出行並吉若

用裁衣必得寶器此宿生人法合有祖父產

業及有經營得錢財總合用盡後更得之事

無終始爲性好布施亦細澁業合遊蕩足法

用慕善人作貴勝律儀之事無終始賞男女

愛教學典教

景風曰中國天文奎十
六星主武西方之宿也

婁圖婁三星形如馬頭乾闥婆神也姓訖邪

尼食烏麻雜菜此宿直日宜為急速之事合和服藥內牛馬吉若用裁衣必增益衣服此宿生人法合多技能少疾病好解醫方性好和合布施足田疇多遊從合事君王受性勤公務稟志慎密

景風曰中國天文婁三星主棟苑西方之宿也

胃圖胃三星形如三角閣摩神也姓婆粟及婆食烏麻稻米蜜肉此宿直日宜為公事及王侯修善事並吉用剛猛伐逆取叛除凶去姦非並吉若用裁衣必損減資福此宿生人法合膽硬惡性靈耽酒嗜肉愛驅策劫奪彊

暴稟志輕躁足怨敵饒男女多僕從

景風曰中國天

文胃三星形如角主兵軍西方之宿也

凡畢翼斗壁為安重宿此等直日宜造宮殿伽藍館宇寺舍種蒔修園林貯納倉庫收積穀米結交朋友婚姻策命時相造家具設學

亦九

十四

供養入道場及安穩并就師長入壇受灌頂法造久長之事並吉唯不宜遠行索債舉保進路造酒剃頭翦甲博戲若此宿生人法合安重威肅正福德有大名聞凡甯奎為和善宿此宿直日宜入道門學藝

習真言結齋戒立道場灌頂造功德設音樂
及吉祥事喜慶求婚舉放對君王參將相冠
帶公行服藥合和並吉若此宿生人法合柔
輒溫良聰明而愛典教

凡參柳心尾為毒害宿此等宿直日宜圍城
破營設兵掠賊災陣破敵劫盜擄蒲射獵並
吉若此宿直日生人法合慘毒剛猛惡性
凡鬼軫婁為急速宿此等宿直日宜放債貸
錢買賣交關進路出行調六畜習乘鷹鷂設
齋行道入學受業服藥入道場受灌頂市買

並吉此宿生人法合剛猛而捷疾有筋力
凡星張箕室為猛惡宿此等宿直日宜守路
設險劫掠相攻擄蒲博戲造兵謀斷決囚徒
放藥行酪射獵祭天祀神承兵威並吉此宿
生人法合凶害猛殺宜捨身出家作沙門
凡井亢女虛危五星為輕躁宿又為行宿此
等宿直日宜學乘象馬騎射馳走浮江汎舟
奉使絕域和國入蕃又勸行禮樂揀閱兵馬
種蒔造酒合和藥並吉此宿生人法合澆薄
不然則質直平穩

并九

十五

凡昴氏為剛柔宿此等宿直日宜鍛鍊爐治
修五行家具及造瓦買賣之事又宜設藥送
葬鑽鍊酥乳計筭畜生入宅王者作盟會並
吉此宿生人法合為寬柔而猛君子之人流
也景風曰今經文言語多有中國之俗如携
蒲戲和國入番之類並是翻譯言譯西國
東語庶覽之者悉之
不以文害意者也

序三九祕宿品第三

一九之法

二九之法

命宿 榮宿 衰宿 安宿 危宿
成宿 壞宿 友宿 親宿

三九之法

業宿 榮宿 衰宿 安宿 危宿
成宿 壞宿 友宿 親宿

此法以定人所生日為宿直為命宿為第一
次以榮宿又次衰宿及安宿危宿成宿壞宿
友宿親宿如是九宿為一九之法其次則次
業宿為首以下九准前為二九之法次即以
胎宿為首以下九准前三九之法而周二十
七宿眾為祕密景風曰假如有入二月五日
生者其人屬畢宿為第一命
宿以次背宿為榮宿參為衰宿井為安宿鬼
為危宿柳為成宿星為壞宿張為友宿翼為

永樂北藏

文殊所說宿曜經

第一三〇册

親宿轉為業宿角為榮宿亢為衰宿並同友
直如女胎宿虛為榮宿已下惟前是為三九
之法他
皆准此

三藏云凡與人初結交者先須看彼人宿命
押我何宿又看我宿命押彼人何宿大抵以
榮成友親為善堪結交自餘並惡不可與相

知以為祕法耳景風曰案太史有舊翻九執
宿命占殊未有此法今則新

譯流用傳之
流行萬代耳

凡命胎宿直日不宜舉動百事業宿直日所
作皆吉祥衰危壞宿日並不宜遠行出入及
遷移買賣裁衣剃頭剪甲並不宜壞日又宜

懺鎮降伏怨讎及討伐暴惡安日移動遠行
修園宅卧具作壇場並吉危日宜結交婚姻
歡會宴聚吉成日修門道合藥求仙吉友親
日宜結交朋友大吉凡日月直星沒犯逼守
命胎之宿此人是厄會之時也宜修功德持
真言念誦立道場以穰之若犯業宿及榮安
成友親等宿並所求不遂百事逆邐亦宜修
福念善若犯衰危壞等宿者則所求稱意百
事通達景風曰凡欲知五星所在者天竺曆
術推知何宿具知也今有迦葉氏瞿
曇氏拘摩羅等三家天竺曆並掌在太史閣
然今之用多瞿曇氏曆與大街相參俱奉耳

序七曜直品第四

夫七曜日月五星也上曜子天神六直人所
以司善惡而主理吉凶也行一日一易七日
一周周而復始直神善惡言具說之耳

景風
曰推

求七曜直日法今具在此經卷
末第八垂算法中具滿足矣

十九

十七

日精曰太陽太陽直日宜策命拜官觀兵習
戰持直言行醫藥放羣牧遠行造福設齋祈
神合藥內倉庫入學論官並言不宜諍競作
誓行姦對陣不得先起若人此曜直日生者
法合足智策端正美貌孝順短命若五月五

日得此曜者則其歲萬物豐熟若有虧蝕地
動者則萬物莫實不千日為殃

月精曰太陰太陰直日宜造功德成就作喜
樂僚教女人裁衣服造家具安牀穿渠修井
竈買賣財物倉庫內財洗頭割甲著新並吉
不宜婚嫁入宅結交私出行大凶奴婢逃走
難捉得囚繫者出遲不宜殺生及入陣並凶
此日生人合多智策美貌樂福田好布施孝
順若五月五日得此曜者歲多疾病秋足霜
冷若有虧蝕地動者則歲中饒疾死

永樂北藏

文殊所說宿曜經

第一三〇冊

火精曰榮惑榮惑直日宜決罰罪人國取盜賊作欺誑事買金寶牛羊動甲兵修戎具教旗剋賊必勝訴先起合藥種時割甲結婚不得出財徵債禁者難出病者必死若此直日生人法合醜陋惡性妨親害族便弓馬多瞋若五月五日得此曜者則歲中多諍競若虧蝕地動者則歲中多有兵馬損傷水精曰辰星辰星直日宜入學事師長學功技能攻城又宜舉債公行怨敵伏讎得財唯不宜修造宅舍對戰鬪敵作賊妄語並凶被

囚者即後必有陰謀說動當時若五月五日得此曜者則歲中有水災虧蝕地動則百物不熟人多瘡癘耳

木精曰歲星歲星直日宜策命使王及求善知識并學問禮拜修福布施嫁娶作諸吉事

亦九

十八

請謁及結交入宅著新衣沐髮種果木調伏象馬買奴婢並吉若為凶事則大凶若人此日生者法合貴重榮祿若五月五日得此曜者歲中豐熟若有虧蝕地動則公王必死金精曰太白太白直日宜見大人官長沐浴

冠帶求親結婚良友置饌宜入宮室並吉逃
亡難得敗獵并戰不吉若人此日生者法合
短命好善人皆欽慕若五月五日得此直日
者則歲中驚擾之事若虧蝕則六畜多損傷
耳

土精曰鎮星鎮星直日宜修園圃買賣田地
口馬合藥伏怨放火立精舍作井竈吉唯不
宜結婚冠帶及公行若人此日生者法合足
聲名少孝順信朋友若五月五日得此直者
則合歲中多土功若虧蝕地動則國中人民

永樂北藏

文殊所說宿曜經

不安泰景風曰茫茫造化乃為陰陽精曜運
天虛神直地吉凶之應惟人信之故
譯出此法萬代秘密經庶傳習者幸無謬矣
凡人公行不得面街七曜若街當日曜遭大
厄若街月曜親眷多傷若街木曜家人皆心
若街土曜女有死厄若街金曜則災祥併至
乃為頌曰 火日月建 德貴神眷
歲皆鎮死 金衛併至

秘密雜占品第五

亦九

十九

凡如七曜運文犯著人六宮宿者必有災厄
一者命宿二者事宿三者意宿四者聚宿五
者同宿六者克宿從命數第十為事宿第四
為意宿第十六為聚宿第二十為同宿第十
三為克宿景風曰有人屬妻宿者而數得畢
為意宿第十得星宿則為事十三

第一三〇册

永樂北藏

文殊所說宿曜經

第一三〇冊

得軫則軫為克宿也他皆准此數之即得也

若七曜犯命宿則亡失錢財必多災厄若犯事宿則招殃咎若犯意宿則必多愁苦若犯聚宿則亡失財囚閉若犯同宿則離坼不安家口衰耗若犯克宿亡財失官勢力衰損若

七曜總不犯此六處者則所為皆得

景風曰皆須共

三九秘宿相參然後定災厄也頌曰

十事規求鎮不來 四意愁煩困惱也

十六聚失災厄形 二十同路相乖背

十三尅挫勢力名

七曜與此宿不犯者則百惡澄清

凡日在本宮及第三第六第十位為果大吉
熒惑守本宿大有災厄耳月在本命宮及第六第七第三宮即果吉歲星與氏第三第七
劣九宮者吉辰與氏第四第十宮者並吉太
白在本命宮者合有大厄凡人有災厄時可
持真言立道場而用禳之

若有人不記得本所屬宿而來問疾者何以
答之曰皆先須看人初來之時觸著處而斷
之則可知耳若觸頭者則屬昴宿若先觸額

者則屬畢宿若先觸眉者屬腎宿若先觸眼
者則屬參宿若觸兩頰及耳者則屬井宿若
先觸牙及骨者則屬鬼宿若觸齒者則屬柳
宿若觸項者則屬星宿若觸右肩者則屬張
宿若觸左肩者則屬翼宿若觸手者則屬軫
宿若觸頰頤者則屬角宿若觸缺盆及項曾
上者則屬亢宿若觸臆者則屬氐宿若觸右
臂者則屬房宿若觸左臂者則屬心宿若觸
心脾骨者則合屬尾宿若觸左脅者則屬箕
宿若觸右脅者則屬斗宿若觸臍者則屬牛

宿若觸腹肚者則屬女宿若觸小腹下者則
屬虛宿若觸胯腿及後分者則屬危宿若觸
右腿胫者則屬室宿若觸左腿胫者則屬壁
宿若觸膝肘者則屬奎宿若觸脛者則屬婁
宿若觸脚者則屬胃宿景風曰若人不得本
生月日者則知本所
屬宿用此法以定之和
尚以此法門為秘密耳
凡軫星太陽直畢宿太陰直星宿土直井宿
火直柳宿水直鬼宿木直房宿金直此等七
日名為甘露吉祥日宜學道求法受密印及
習真言凡尾宿太陽直女宿太陰直壁宿水

直昴宿火直井宿木直張宿金直亢宿土直
此等七日名為金剛峯日宜降伏魔怨持日
天子真言凡胃宿太陽直鬼宿太陰直翼宿
火直參宿水直氐宿木直奎宿金直柳宿土
直右此等七日名為羅刹日不宜舉動百事

亦九

廿一

唯射獵及諸損害之事也

序黑白分品第六

凡月有黑白兩分從一日至十五日為白月
分從十六日至三十日為黑月分每月白月
一日三日五日七日九日十一日十三日黑

月一日三日五日七日九日十一日十三日
所向皆成就名為吉祥日

又白月四日夜八日晝十一日夜十五日晝
黑月三日夜七日晝十日夜十四日晝為凶
惡時所作不成就

又白月二日六日九日十二日又黑月六日
九日十二日十四日此等平時隨立宿曜
為吉凶

又黑月四日十一日夜八日十五日晝白月
三日十日夜七日十四日晝凶惡氣生時所

及招殃咎

凡凶惡之日日中已後却成吉時凶惡之夜夜半已後却成吉時乃為頌曰

一三五七九 十一與十三 於二白黑分

所作皆成就 黑三夜七晝 十夜十四晝

白四夜八晝 一夜十五晝 於此白黑分

晝夜不成就 日中夜已後 所求皆成就

序日名善惡品第七

從一日至十六日 景風曰一日即是白月之一日也今恐讀者難會故略云

黑白之言直裁日數之爾 名為建名日梵

天宜為業善學道求仙及事師尊宿並吉唯不宜遠出行耳

凡二日十七日名為得財日爾造化神宜合

藥按摩工巧出行結交婚親增益田宅並吉

凡三日十八日名為威力得日 那羅宜摧敵

除逆習戰畜獸弊訓下人營田種蒔大吉

凡四日十九日名為猛武日 閻羅宜作惡業

殺害殘賊摧伏叛逆則吉為善事却凶

凡五日二十日名圓滿日 子天宜為善業修

營牀帳及車乘衣服營田宅結婚並吉

凡六日二十一日名為求名日

童子神下宜為久

長安定事營宅宇寢廟及建國邑伽藍牛馬

坊廐等並吉不宜出行凡七日二十二日名

為友朋日

北斗天下

宜結交慶喜安定和藥王者

初服及造旌旗帷帳並吉唯不宜遠行

凡八日二十三日名為大戰日

婆薢天宜為力

用之事造兵仗城壘穿壕塹並吉

凡九日二十四日名為凶猛日

毗舍鬼下宜圍

城縛敵進途伐逆不宜入宅及削髮並凶

凡十日二十五日名為善法日

善法神下宜安久

之事及急速飛捷穿鑿井竈修道作功德伽

藍順法之事並大吉

凡十一日二十六日為慈猛日

自在天下宜新立

宅舍營建城廟館宇廐坊及設火祭祀天神

並吉

凡十二日二十七日為名聞日

廿三

宜作久長安

國之事及車乘倉庫並吉唯不宜放債

凡十三日二十八日為最勝日

大魔王下所作皆

急速皆吉及著衣服華鬘金玉裝畫又宜嫁

娶修車乘入壇場學法求道吉

凡十四日二十九日為勇猛日藥又大宜擒
縛掩捕詭詐相謀害大吉唯不宜遠行凶
凡十五日三十日名吉祥日鬼神下宜祭先亡
作婆羅門大祭求福布施供養師僧尊長學
戒善事求法大吉

文殊師利菩薩及諸仙所說吉凶時日善惡
宿曜經卷上

音釋

永樂北藏

文殊所說宿曜經

枵虛駢切歲在 鑰弋約切 燾徒屋切 桴徒結切
 房六切 藥魚列切 鈔尺沼切 慙快也 至徒結切
 切 擣擣蒲切 擣蒲居切 薄胡櫛切 櫛模也 邇何開切
 切 進貌 瘴瘴之亮切 癘郎計切 頽頽何切
 也 胘股部也 切 胛膝骨也 壘魯腰切 頽頽何切
 也 胘股部也 切 胛膝骨也 壘魯腰切 頽頽何切

永樂北藏

文殊所說宿曜經

第一三〇冊

文殊師利菩薩及諸仙所說吉凶時日善惡宿曜經卷下

亦十

宋內供奉三藏沙門不空奉詔譯

弟子上都草澤楊景風修註

西國每一月分爲白黑兩分八月一日至十

五日爲白月分

以其光生漸明白之謂也

八月十六日至

三十日爲黑月分

以其光滅損暗黑之謂也

文殊師利菩

薩說時日偈云

一三五七九

十一與十三

於二黑白分

所作皆成就

黑三夜七晝

十夜十四晝

白四夜八晝

一夜十五晝

所謂一夜者十夜也勒頌者

貴省文也

於此黑白月

晝夜不成就

日中及中夜

已後皆通吉

擇日

每八月一日十六日三日十八日五日二十

日七日二十二日九日二十四日十一日二

十六日十三日二十八日已上是吉日所作

吉祥事必成就

擇時

八月四日夜八日晝十一日夜十五晝十

八日夜二十二日晝二十五日夜二十九日
晝已上日晝夜之時所作皆不吉爲事不成
惡猶不可作何況善事如於鹹鹵之地種物
不生

八月二日六日九日十二日十四日十七日
十九日二十一日二十三日二十四日二十
七日三十日

已上平日若與好宿好曜并者即吉如與
惡宿曜并者即凶夫凶惡晝日中已後通
吉用凶惡夜夜半已後亦通吉用

白黑月所宜吉凶曆

每月一日十六日梵云鉢闍鉢底下此云梵王下
是建名日宜爲善業學伎藝苦節修行布施
等事及作愛敬增益長久定事並吉不宜遠
行

二日十七日亦十是得財日梵云苾利訶馱鉢底

神下此云造化神下宜按摩合藥作工巧法遠行進

路結交婚姻

三日十八日是威力日梵云毗紐神下亦云那羅延天宜摧敵除逆調習象馬四足諸畜等及

訓獎惡人下賤之類營田種蒔有大為作事
皆吉十八日夜惡中夜已後還吉

四日十九日是猛武日梵云閻謨神下作惡
業日是殺害日與一切不善事殘酷業皆悉
相應宜摧敵破逆吉餘並凶四日夜不吉中
夜已後吉

五日二十日是圓滿日梵云蘇謨神下此云月天
子宜修福善業作卧具牀座衣服莊飾物及
車輦等物營田宅結婚姻凡諸慶樂事並吉
六日二十一日是求名日梵云摩羅神下此云

童子宜諸久長安定之事營田宅及天廟福
天下舍伽藍建城邑立牛馬等諸畜坊廐並吉不
宜遠行進路

七日二十二日是朋友日梵云七婆怛沙邪
仙神下此云北宜結朋友安定之事王者服
斗下新衣及熏幟牀座卧具大寶嚴飾之物並吉
二十二日晝惡午後吉

八日二十三日是力戰日梵云婆娑善神下
宜力用之事宜修造攻戰之具置邊衝險固
城壘穿塚澗調乘象馬等事並吉八日晝惡

午後吉

九日二十四日是凶猛日梵云嚕達囉尼神
下宜圍城縛敵進途伐逆取毒不宜入宅修
理髮凶

十日二十五日是善法日梵云蘇達謨神下

此云善法神下宜作久長事及急速事置井穿鑿坑
漸行法修道人作功德福舍伽藍凡諸順法
及愛敬等事皆吉二十五日夜不吉半夜已
後通吉

十一日二十六日是慈猛日梵云嚕捺嚕神

下此云自天下宜新立宅舍營天廟城邑官曹館
室伽藍殿塔及火祭室功德福舍並吉十一
日夜惡中夜後還吉

十二日二十七日是最勝日梵云阿逸都神
下此云天子下宜作久長安定事及修葺輿嚴飾

頭髮置倉生藏等吉不宜放債取債

十三日二十八日是最勝日梵云鉢折底神
下此云天神下所為急速事修衣服華鬘金寶嚴
飾等事又宜愛敬之事取婦人及乘車輿等
並入壇場習行道術並吉

十四日二十九日是勇猛日梵云藥葛神下
 宜往擒縛相詭誑事暴虐惡人作非法之物
 宜行詐妄詭誘怨敵彼必信受不宜遠行進
 路二十九日晝惡午後吉

十五日三十日是吉相日梵云必多盧神下


此云鬼靈神下宜祭先亡宜作婆羅門大祠求安隱

法及布施供養父母尊者諸天持齋戒施食
 及諸祭祠吉十五日晝惡午後吉

右每月日所宜用吉凶如前必審用之萬
 不失一其晝夜善惡並如前嘉釋二十七

宿十二宮圖

唐以二十八宿
 唐十二次又說云西國除牛宿
 年以星曜記日不用甲子者以宿曜於人
 尤切於事允當故經云日有一倍力焉
 四倍力曜有八倍力好時之力萬倍焉





西國皆以十五日望宿為一月之名故二月

為角月

西國以二月為歲首以其道齊景正日夜停分時淑氣和草木榮茂一切

增長故梵天折為曆元

三月名氐月四月名心月五月

名箕月六月名女月七月名室月八月名婁

月九月為昂月

梵語昂星名迦提迦西國五月十五日雨安居至八月十五

五日滿已後五月十五日滿已後至九月十五日已來自恣故號為迦提但取星名而已今中國加提即是事而妄者別為訓釋蓋大謬焉

十月名胃月十一月名鬼月十二月名星月正月名翼月夫欲知二十七宿者日先須知月望宿日欲數一日至十五日已前白月日者即從十五日下午

宿逆數之可知欲知十六日已後至三十日

即從十五日下午宿順數即得但依此即定

二月十五日為角日十四日是軫日十三日是翼日若求十五日已後者即十五日為角

日十六日是亢日十七日是氐日他皆倣此

夫欲求人所屬宿者即於圖上取彼生月十

五日下午宿從此望宿逆順數之至彼生日止則求得彼人所屬宿也

又法略算求人本命宿先下生日數又虛加十三訖即從彼生月望宿用上位數順除數盡則止即得彼人所屬命宿

假令有人二月十七日生者則

先下十七為位又虛加十三共得三十即從二月望宿角亢氐房二十七宿一周法除之訖餘三算即角餘一亢餘二氐餘三則彼人是氐宿生他皆倣此

夫取宿直者皆月臨宿處則是彼宿當直又月行有遲疾宿月復有南北前後隨合如何可知則以後頌言求之可解頌曰

六宿未到名合月 十二宿月左右合

九宿如犢隨母行 從奎宿數應當知

頌言六宿未到名合月者則從奎婁胃昂畢
觜此六宿月未至宿月則名彼宿直也十二
宿月左右合者即參井鬼柳星張翼軫角亢
氐房等此十二宿日臨彼宿上及前後南北
並取屬彼宿用得也九宿如犢隨母行者則
配月為母配宿為犢則月居宿前宿居月後
如犢母之像也當以此頌復驗之於天則宿
日用之無差此皆大仙密說也

二十七宿所爲吉凶曆

昴宿宜火作煎煮等事檢算畜生印畜生融酥和合作牛羊諸畜坊舍及牧放入溫室種蔣黃色赤色等物入宅及石金作等吉宜伐逆除怨作剃剪之具賣物求長壽求吉勝事不宜修理鬚髮及遠行道路宜莊飾冠帶佩服金雕等寶物

畢宿宜農桑種蔣修田宅嫁娶作厨舍作食作畜生舍通決渠河修橋梁作諸安定之事作衣服並吉不宜取債放債宜納穀及酒食

雜物不宜生財甯宿作急要事及和善事並吉宜種蔣白汁樹草等又宜王者作舍作蘇牀座又入新宅嫁娶修理髮洗浴作求吉勝法著新衣嚴飾作喜樂調畜生作除災謹身呪術壇場之法祭星曜作髻並吉

亦十

參宿宜求財及諸剛嚴事穿池賣有乳畜生造熟酥壓油代酒壓甘蔗種甘蔗畋獵及置關津等

井宿有所惠施必獲大果有所置事必成就宜作諸祭法婆羅門祭天法宜嫁娶及納婦

人必子息繁盛此宿所作事皆成吉唯不宜合藥服

鬼宿所作皆吉求聲譽長壽若爲生事及諸端嚴相將其服拜官勝位有所爲求並皆吉祥福德增長又宜遠行進路修理髮著新衣及洗浴等事並吉

柳宿宜嚴飾事是伐逆圍城掩襲討潛竊詭誓詐敵人時此宿雨者必蚊蝱苗稼滋盛吉星宿凡諸種蒔皆吉唯不宜種氍宜取五穀等種芸臺又宜修宅祭先亡將五穀入宅作

諸住定業並吉亦宜修理鬢髮

張宿宜喜慶事求女嫁娶修理宅作衣服嚴飾物作愛敬法等並吉

翼宿所作皆吉置宅垣牆穿壕作市作城邑作車輿修農商業種蒔嫁娶凡作諸安定之事並吉

軫宿宜諸急速事遠行向外國修理鬚髮取象調象乘象學技藝求女嫁娶服著衣裳穿池修園圃造垣牆等吉除蕩竊逆南行大吉角宿宜嚴飾事取雜色衣作安膳那服藥及

永樂北藏

文殊所說宿曜經

第一三〇冊

取珊瑚金銀赤銅摩尼金剛諸寶物等諸珍
帛物王者嚴服觀兵及進路作求安隱祭祀
天神寶賜將士金銀百穀衣物入城作華鬘
卧具歌舞詠唱并餘技藝等並吉

亢宿宜調馬騾驢等必易馴快利宜教擊諸

亦十

鼓樂等嫁娶結朋友宜發遣怨讎不宜自行
動宜種蒔樹木種穀小豆大豆烏麻等皆吉
氐宿宜作農具種大麥小麥稻粟等并種蒔
諸果樹並吉凡諸有大為作事並不可作宜
醞酒漿宜種薔薇樹甘蔗等並吉

房宿宜結朋友婚姻凡和諸善事喜樂吉祥
事交好往還及攝情受戒布施發使置官修
道學藝工巧等吉

心宿宜作王者所須事亦宜嚴服昇位及取
捉象馬調乘諸畜等宜按摩必得身分潤滿
宜事王者及取左右驅使人等宜修鬢髮作
農桑業唯除營功德事自餘不可輒出財與
人及放債凶

尾宿宜作服著事蒔樹種根及取煎吉又宜
剛嚴事洗浴除滅厭呪種壓蒲萄甘蔗置宅

置藏作愛喜事合湯及散阿伽陀藥并壇場事並吉

箕宿宜剛嚴事又掘溝渠穿池井通決河流種水生華及根實者修園圃醞酒漿及作橋梁等並吉

亦十

斗宿宜著新衣及安久事置藏修理園林造車輿等乘載之物營田宅城邑福寺舍等作戰具及諸用物並吉

九

女宿凡爲公事皆吉出城外發教命除逆敵置城邑立宰輔發兵作戰具取與及呈學技

藝穿耳修理鬢髮按摩並吉不宜著新衣及競財穿池等宜供養尊者諸天父母及諸貴勝

虛宿宜諸急遠事宜學問及夜欲作求子法其法不宜晝作主產閹官宜供養婆羅門置城邑及置兵官財等又宜還人財物賣畜生著衣著莊嚴具作商業新置技藝並吉危宿宜合藥取藥服藥置藥並大吉又宜嚴峻破惡之事穿河池等及種麻豆等發遣商人納財置吏取醫置藏造舟船醞酒漿等及

沽賣商販吉不宜出財

室宿宜作端嚴事勘逐罪非除滅兇逆誑詭
敵人諸事並不宜作

壁宿宜作求長壽增益法不宜南行宜造城
邑取衣取財嫁娶婚姻等喜善事皆吉

奎宿取珍寶宜造倉庫及牛羊坊校算畜生
造酒融酥及作堤堰研眼藥著新衣服飾莊
嚴遠行進路作和善事急速事並吉

婁宿宜諸急速事與藥取藥調乘象馬及出
賣等並吉

胃宿宜爲公事及王者之善事亦宜作嚴整
之事伐逆除兇并調訓在下及馬等畜生並
吉

安重畢翼斗壁此四是安重宿宜造莊宅宮
殿寺觀義堂種蒔栽接修立園林貯納倉庫
收積穀麥結交投友成禮爲婚冊君王封將
相授官榮錫班職造裝具設齋供入道修行
及祈安穩并就師學入壇場受灌頂造一切
久長事務悉須爲之皆吉唯不宜舉債充保
遠行進路造酒剃毛髮除爪甲結仇嫌懷讎

隙習姪慾學擣菹等並凶

和善甯角房奎此等四是和善宿宜入道門
學技藝能習呪法結齋戒入壇受灌頂建功
德設音樂吉祥事慶善業成禮求婚還錢舉
債見君王參宰相服飾新衣裳冠帶好珠寶
作交關營家業進途結親友服湯藥醫療服
造一切穩善事務悉須爲之吉
毒害參柳心尾此等四是毒害宿宜圍城破
營徵兵喫賊欺誑鬪爭列陣交鋒申決烈破
和合行盜劫設誓擣菹博戲造械具戰具鬪

兵馬點募健兒採覘寇敵斬決兇逆誅戮罪
人施毒藥施礮害調習象馬練灑鷹犬一切
猛浪事務悉須爲之吉其尾宿日宜種蒔
稼栽接樹木營造宅屋立園林一切嚴固闢
競剛柔猛浪辛苦等事並宜作之

急速鬼軫牛婁此四是急速宿宜放錢貸債
買賣交關行途進路往使征伐賁客上道商
主過磧調伏畜生教習鷹犬設齋行施習讀
經書教人典誥學諸技能服食湯藥并受佩
持護身之術豎幢建旌麾造扇障營蓋傘入

壇場受灌頂騎象馬乘輦一切事務悉須爲之

猛惡胃星張箕室此五是猛惡宿宜守路檢行劫行盜構闢端起設誑博戲擄捕彊梁侵奪姦非淫穢圖城斫營造械具戰具畫兵謀放毒藥施礮害斬決怨敵誅戮罪逆穰祭星辰祈禱軍福一切艱難事務悉須爲之又張宿宜作愛敬法又其箕宿宜鑿井穿坑填水渠開河路一切勞擾事務悉須爲之輕井亢女虛危此等五是輕宿或名行宿宜

學乘騎象馬驢騾駝驘及水牛等諸畜調習野獸并捉乘騎汎舟繫棹渡水浮江奉使聘域說敵和死徵納庸調收歛租稅觀音樂看大禮買賣興販營造車乘點閱兵士一切輕捷事務悉須爲之又其危井宿宜營稼穀造酒醴穿坑通決河渠合湯藥並吉

剛柔昴氐此二是剛柔宿或名平等宿兼善惡帶剛柔辛苦之務穩善之事悉須爲之又宜鍛鍊鐵銷鑠金銀打釵釧鈿環珮造作五行調度燒餅瓦器設齋造葬焚屍埋殯鑽燧

變火擊酪出酥壓蒲萄搗沙糖放牛行禮遣
馬逐羣檢幸廐牧點數畜生造軍器械具從
域出莊返城移入新宅棄卻舊墟室宮責非
為決戮罪過并王者盟誓結信一切如此事
務悉須為之吉又其臥宿宜種蒔華藥栽接
樹木吉

第十

十二

行動禁閉法

日屬軫宿不得向北路行縱吉時亦不可行
日屬女宿不得向東路行縱吉時亦不可行
日屬鬼宿不得向西路行縱吉時亦不可行

日屬婁宿不得向南路行縱吉時亦不可行

第七秤宮東取角亢日第十一餅宮東取危室日

第五獅子宮西取星張日第九弓宮西取箕斗日

第八蝎宮南取房心尾日第十二魚宮日取壁奎

大第六女宮南取翼軫日第四蟹宮南取鬼柳日

第三男女宮至參井日第十摩竭宮至女虛

大第一羊宮至婁胃昂日第二牛宮至畢備

吉大

右犯此辰宿日越路發行兵馬人眾
不免輸他損失

裁縫衣裳服著用宿法

昂必火燒畢饒事務背必鼠咬參必逢厄
井必相分鬼必吉祥柳必棄失星必喪服
張必官奪翼必獲財軫必恒久角必安隱
亢得美食心必親友房必益衣心必盜賊
尾必壞爛箕必得病斗得美味女必得疾
虛必得糧危必毒厄室必水厄壁必獲財
奎必獲寶婁必增衣胃必減衣
虛奎鬼并婁畢軫 角亢心房翼斗壁
此以上宿可裁縫 衣著衣裳並大吉

三九秘要法

初九畢命背參井安鬼危柳成星環

張友翼親

二九軫 角 亢 心 房 心 尾

箕 斗

三九女 虛 危 室 壁 奎 婁

胃 昂

三九法者皆從本所屬宿為初九第一命宿
依次第二為榮宿第三衰宿第四安宿第五
危宿第六成宿第七壞宿第八友宿第九親

宿即初九行也第十宿為二九行頭為業宿第

十一復為榮宿第十二衰宿第十三安宿第

十四危宿第十五成宿第十六壞宿第十七

友宿第十八親宿即九行是二次第十九宿即為

三九行頭為胎宿第二十為榮宿第二十一

衰宿第二十二安宿第二十三危宿第二十

四成宿第二十五壞宿第二十六友宿第二

十七親宿即三九行了

此則是二十七宿周而復始是為三九之法

三九之法宿者祕要之術所欲興事營求入

官拜職移徙遠行所為所作一一自看從已

身所屬宿今日復是何宿於三九中復善惡

如何與我本生宿善惡相宜否如是勘已即

看後占若榮宿日即宜入官拜職對見大人

上書表進獻君王興營買賣裁著新衣沐浴

及諸吉事並大吉第十四出家入剃髮割爪甲沐浴

承事師主啓請法要並吉

若安宿日移徙吉遠行人入宅造作園宅安

坐卧牀帳作壇場並吉

若危宿日宜結交定婚姻歡宴聚會並吉

若成宿日宜修道學問合和長年藥法作諸成就法並吉

若友宿日親宿日宜結交定婚姻歡宴聚會並吉

若命宿日胎宿日不宜舉動百事值業宿日

所作善惡亦不成就甚衰

若危壞日並不宜遠行出入移徙買賣婚姻裁衣剃頭沐浴並凶

若衰日唯宜解除諸惡療病

若壞日宜作鎮厭降伏怨讎及討伐沮壞姦

惡之謀餘並不堪

此所用三九法於長行曆縱不是吉相己身三九若吉但用無妨

又一說云命宿胎宿危宿壞宿此宿日不得進路及剃髮裁衣除爪甲並凶

亦十

十五

夫五星及日月陵犯守逼命胎之宿即於身大凶宜修功德造善以禳之若陵逼業宿者及榮安成友親之宿即所求不遂諸途逃坎亦宜修福福者謂入灌頂及護摩并修諸功德如五星陵犯守逼衰危壞等宿即身事並

遂所作稱心官宦遷轉求者皆遂如此當須問知司天者乃知此年此月熒惑鎮歲辰星太白及日月等在何宿以此知之其法甚妙宜細審詳也以見至理

七曜直日曆品第八

夫七曜者所謂日月五星下直人間一日一易七日周而復始其所用各各於事有宜者有不宜者請細詳用之忽不記得但當問胡及波斯并五天竺人總知尼乾子耒摩尼常以蜜日持齋亦事此日為大日此等事持不

忘故今列諸國人呼七曜如後

日曜太陽

胡名蜜 波斯名曜森勿

天竺名阿你泥以底耶合二

月曜太陰

胡名莫 波斯名婁禍森勿

天竺名蘇上聲摩

火曜熒惑

胡名雲漢 波斯名勢森勿

天竺名益哦囉迦

水曜辰星

胡名咥丁逸切 波斯名掣森勿

天竺名部引陀

木曜歲星

胡名鶡勿斯 波斯名本森勿

金曜太白

天竺名勿哩訶娑跋底_切以

胡名那歇 波斯名數森勿

天竺名戌羯羅

土曜鎮星

胡名枳浣 波斯名翕森勿

天竺名賒乃以室折囉

_{亦十}

_{十六}

右件七曜上運行於天下直於人間其精靈

神驗內外典籍具備自南西北三方諸國一

切皆悉用之出入行來用兵出陣學藝爰一

切舉動無不用其宿曜時日唯東大唐一國

未審知委其曜亦每日分為八時平明即是

所直之曜乃至酉戌則八時而周夜亦分為

八時轉到明日曉時即次後曜當直如是細

解用之萬不失一七曜占

太陽直日

其日宜冊命拜官受職見大人教旗閫戰申

威及金銀作持呪行醫遊獵放羣牧王公百

官等東西南北遠行及造福禮拜設齋供養

諸天神所求皆遂合藥服食割甲浣頭造宅

種樹內倉庫捉獲逃走入學經官理當並吉

其日不宜諍競作誓行姦必敗不宜先戰不

宜買奴婢此日生者足智端正身貌長大性
好功德孝順父母足病短命若五月五日得
此曜者其歲萬事豐熟其日若日月蝕及地
動者其處萬物不生

太陰直日

亦十

十七

其日宜造功德必得成就作喜樂朋僚教女
人裁衣服造家具安坐席穿渠造堤塘修井
竈買賣財物倉庫內財洗頭割甲著新衣並
大吉其日不嫁娶入宅結交私情出行不問
近遠行大凶奴婢逃走難得禁者出遲殺生

行惡入賊者必凶此日生者多智美貌樂福
田好布施孝順若五月五日遇此曜者其年
多疫疾多霜冷加寒其日若日月蝕并地動
其年疫死後多虛耗

熒惑直日

其日宜決罰罪人圍取盜賊作誑事買金寶
置牛羊羣動兵甲修甲仗教旗打賊入陣必
勝姦盜者成作誓勿畏宜出獵先經官府者
勝宜種田及種果木調馬療病合藥並吉不
宜下血者其日成親著新衣洗頭割甲入宅

結交火下出財皆不吉宜徵債禁者難出病者必重其日生者醜陋惡性妨眷屬便弓馬能言語勇決難養若五月五日遇此曜者其年多鬪諍後兵賊饒疫病畜生死損此日有日月蝕及地動其年多兵馬傷者多死

辰星直日

其日宜入學及學一切諸巧工皆成放債本利具獲割甲剃頭遠行者財宜伏怨敵不宜修造宅舍遇戰敵勿先鬪看卜問囚必謾語作誓並凶被禁自出失物及逃走必獲其日

生者饒病不孝妨財物長成已後財物自足有智長命能言語有詞辯得人畏敬若五月五日遇此曜者其年江水泛溢百物不成加寒若此日日月蝕并地動歲多饑饉

歲星直日

其日宜冊命及求善知識并學論議受法禮拜造功德布施謁官成親交喜樂入宅著新衣洗頭宅內種果木修倉庫內財調馬買奴婢及嫁娶內象馬造宅作諸事並吉不宜作誓作賊必敗妄語爭競必凶其日亡者未得

出埋不宜祭亡人吊死問病其日生者宜與人養長成牧之長命有智心善得大人貴重於父母有相錢財積聚若五月五日遇此曜者其歲萬物豐四時調順如此日日月蝕及地動王公已下交厄

太白直日

其日宜見大人及諸官長洗頭著新衣冠帶成親平章婚事結交友會朋流置官舍逃走難得勿畋獵并戰陣不吉繫者出遲生者短命好善孝順人皆欽慕五月五日遇此曜者

人畜例驚失必狂賊擾亂候取良日從東擊勝此日日月蝕及地動者其歲足風復有雷電損多少田苗

鎮星直日

其日宜修園圃買賣田地買口馬直合繫伏

亦十

怨家放野燒打牆作竈一切事總合作將入

十九

宅吉舉哀葬吉鞍馬上槽內倉庫並吉不宜結婚作喜樂服新衣及遠行其日生少病足有聲名樂善孝順信於朋友若五月五日遇此曜者有土功威重事此日日月蝕及地動

者世界不安威重人厄

七曜直日與二十七宿合吉凶日曆

曜與宿合者假如正月十五日 是軫宿

其日忽是太陽直即是好日他皆倣此

太陽直日月與軫合 太陰直日月與畢合

火曜直日月與尾合 水曜直日月與柳合

木曜直日月與鬼合 金曜直日月與房合

土曜直日月與星合

已上名甘露日是大吉祥宜冊立受灌頂法
造作寺宇及受戒習學經法出家修道一切

並吉

太陽直日月與尾合 太陰直日月與女合

火曜直日月與壁合 水曜直日月與昂合

木曜直日月與井合 金曜直日月與張合

土曜直日月與亢合

已上名金剛峯日宜作一切降伏法誦日天

子呪及作護摩并諸猛利等事

太陽直日月與胃合 太陰直日月與鬼合

火曜直日月與翼合 水曜直日月與參合

木曜直日月與氐合 金曜直日月與奎合

土曜直日月與柳合

已上名羅刹日不宜舉百事必有殃禍擇太
白所在八方天上地下吉凶法

凡月

一日十一日二十一日太白常在東方

二日十二日二十二日常在東方

三日十三日二十三日常在正南方

四日十四日二十四日常在西方

五日十五日二十五日常在西方

六日十六日二十六日常在西方

七日十七日二十七日常在北方

八日十八日二十八日常在東方

九日十九日二十九日常在中央

右太白如上一月轉者每月亦然恒常隨天
轉無休息至日月在時未末世已來年月日
亦然常轉無盡太白是鬪戰大將軍常須順
行勿令逆之若准此出入移徙遠行及嫁娶
拜官鬪戰世間雜事等造作行用皆如上日
時順行用者大勝吉利如逆行不順此太白
所在行法者皆凶戰不勝所有移徙遠行等

亦無利益常須順之凡舉事皆吉

文殊師利菩薩及諸仙所說吉凶時日善惡
宿曜經卷下

音釋

亦十

廿一

襲齊入切掩其馴詳倫切關衣炎切堰於慍切
水為不備曰襲覘昌豔切積資昔切驤音樓切鑠式灼切
也也盜於浪切枳諸氏切翕遠及切馬音馬切鑠式灼切